

Lu fyî d'Mwartgoute.

A dchindant dou Monçê su l'Fayis, on passe dins in strèt bwès k'on loume « LU BWES BOURLAND ». Su vrê et s'vî nom est : « Lu fî de Mwargoute » ki consistot an hôte futêye et en boukets d' tchamps.

Çu fyî-là (fief) astot et fujot partie du ban dou Moncê et doul « Mwêrie d'Wajî ».

Tunu ou cminçmint dou XVII<sup>o</sup> siéke par Pierre Ruyâmolin, çut-ci l' è vindu à Maury de Hustenay Chanwane d'Ivoix (*Carignan*).

Lu 20 du sêtambe 1661, Jean de Hustenay, ki dmèrot al Grande Tchêrîre a-n è fwêt rulief (*est rcit an' hêritance*) du fêt doul mwârt du dit chanwane, su frère.

L'anéye d'après, lu 6 djun 1662, nouvèle vante ; çu côp-ci à Wiyême BOULADJI, kil è wârdé jusk'à dins les anéyes d'avant 1900.